

Telji skipverji að reglur þessar séu brotnar og að ekki hafi nást að leysa ágreining í samræmi við ákvæði 1. málsg. getur viðkomandi kært það til trúnaðarmanns á viðkomandi skipi.

Sætti skipverji sig ekki við úrlausn samkvæmt 2. málsg. getur hann skotið málinu til Siglingamálastofnunar ríkisins.

9. gr.

Um brot gegn reglum þessum fer skv. lögum nr. 74/1984, sbr. þó 8. gr.

10. gr.

Reglur þessar sem settar eru í samráði við Siglingamálastofnun, með stoð í 3. málsg. 13. gr. laga nr. 74/1984, öðlast þegar gildi.

Heilbrigðis- og tryggingamálaráðuneytið, 10. mars 1993.

Sighvatur Björgvinsson.

Dögg Pálsdóttir.

SAMPYKKT

um búfjárhald á Höfn.

1. gr.

Tilgangur samþykktar þessarar er að tryggja sem best skipulag, stjórn og eftirlit með búfjárhaldi á Höfn, koma í veg fyrir ágang búfjár á lóðir bæjarbúa og gæta þess að hús fyrir búpening og önnur aðstaða sé þrífaleg og í samræmi við vilja bæjarstjórnar.

2. gr.

Allt búfjárhald (alifugla, geita, hrossa, kanína, loðdýra, nautgripa, sauðfjár og svína) er óheimilt innan bæjarmarka Hafnar nema með leyfi bæjarstjórnar að uppfylltum eftirtöldum skilyrðum:

- a. að búfjáreigendur hafi jafnan fullnægjandi aðstöðu til þess að halda búfé, bæði hvað varðar húsakost og fóður. Þeir skulu gæta þess að fjöldi búfjár sé innan þeirra marka sem bæjarstjórn hefur tiltekið í leyfi sínu. Búfjárefirtilmenn skulu fylgjast með því að reglur þessar séu haldnar.
- b. að aðbúnaður búfjár og meðferð þess sé jafnan í fyllsta samræmi við ákvæði laga um búfjárhald og dýravernd. Þá er búfjáreigendum skylt að hlíta hvers konar fyrirætlum um hreinlæti og heilbrigðishætti. Heilbrigðisfulltrúi fylgist með því að reglur þessar séu haldnar.
- c. að búfé sé ávallt í öruggri vörslu búfjáreigenda. Þeir bera fulla bótaábyrgð á öllu tjóni, sem búfé þeirra kann að valda.
- d. að verði breyting á eignarhaldi búfjár, ber að gera bæjarstjórn grein fyrir því, sem þá ákveður framhald leyfisveitingar.
- e. að bæjarstjórn sé heimilt að innheimta leyfisgjald af búfé utan lögbýla til að standa undir kostnaði við forðagæslu og búfjárefirtlit. Skiptist það í grunngjald og gjald fyrir fjölda búfjár hvers eiganda.

3. gr.

Sá sem hyggst sækja um leyfi til búfjárhalds samkvæmt 2. gr. skal senda umsókn þess efnis til bæjarstjórnar. Í skriflegri umsókn komi fram fjöldi búfjár, sem óskað er leyfis fyrir, hvernig skilyrði 2. gr. verði uppfyllt og annað það sem bæjarstjórn kann að óska eftir eða umsækjandi vill koma á framfæri og telur máli skipta.

4. gr.

Telji bæjarstjórn skilyrðum fullnægt fyrir leyfisveitingu, skal hún veita leyfi til búfjárhalds og er heimilt að takmarka það við ákveðinn tíma, fjölda búfjár og/eða ákveðið svæði. Leyfi til búfjárhalds skuldbindur þó ekki bæjarfélagið til að sjá leyfishöfum fyrir beitilandi eða annarri aðstöðu. Leyfi til búfjárhalds er gefið út á nafn og er ekki framseljanlegt. Sé leyfi veitt til lengri tíma en eins árs skal það uppsegjanlegt með eins árs fyrirvara. Sé leyfi sagt upp skal allt búfé viðkomandi farið úr landi bæjarins eigi síðar en þremur mánuðum eftir að uppsögn tekur gildi. Brjótí leyfishafi reglur um meðferð búfjár eða gætir þess ekki á fullnægjandi hátt má afturkalla leyfið fyrirvaralaust.

5. gr.

Öll lausaganga búfjár er bönnuð á Höfn. Búfénað sem gengur laus, skal lögreglustjóri láta handsama og taka í sína vörslu. Ennfremur geta þeir sem verða fyrir ágangi látið handsama ágangsféð, en þeir skulu skýra lögreglustjóra frá því tafarlaust. Eigendum ágangsfénaðar ber að greiða allan kostnað af handsömun og geymslu fénaðarins, svo og allt það tjón sem hann kann að hafa valdið. Við ítrekað brot skal ágangsfénaði slátrað og frálagsverð látið mæta áföllnum kostnaði.

Akvæði 1. mgr. gilda einnig um búfé í eigu annarra en íbúa Hafnar.

6. gr.

Þeir sem við gildistöku þessarar samþykktar eiga eða hafa í umsjá sinni búfé sem fellur undir ákvæði hennar skulu innan tveggja mánaða frá gildistöku tilkynna búfjárhald sitt og sækja um leyfi fyrir því. Búfénaður sem ekki hefur verið sótt um leyfi fyrir að þeim tíma liðnum skal handsamaður á kostnað eiganda og slátrað að undangenginni aðvörun sem eigi hefur verið sinnt.

7. gr.

Brot gegn samþykkt þessari varða sektum. Með mál út af brotum skal fara að hætti opinberra mála.

8. gr.

Samþykkt þessi, sem samin er og samþykkt af bæjarstjórn Hafnar, staðfestist hér með samkvæmt lögum nr. 46 25. mars 1991, til þess að öðlast þegar gildi og birtist til eftirbreytni öllum þeim sem hlut eiga að máli.

Landbúnaðarráðuneytið, 16. mars 1993.

Halldór Blöndal.

Jón Höskuldsson.